

FPP BizNewz

June - November 2022

MANAGEMENT • INVESTMENT • ECONOMICS • ENTREPRENEURSHIP • TECHNOLOGY

Endometriosis

Sejauh Mana Kesedaran Anda?

Personal Shopper

What You Need To Know

Sustainable Packaging in eCommerce

A Few Solutions to Protect the Planet

Type text here

How To Teach Your Children To Pack Their Backpacks For Travel? An Easy Guide

A Short Vacay in Hat Yai

My Sister, My Best Friend

Kredit Mikro di Malaysia

H0BI



Publication Date
8 November 2022

Photo by Matt Chambers on Unsplash

Rekreasi

BUMBUNG RAJA, HULU DUNGUN, TERENGGANU

¹Nik Noor Afizah Azlan, ²Faizatul Akmam Amirrudin, ³Mazlan Mat

¹Fakulti Pengurusan dan Perniagaan, UiTM Cawangan Terengganu

²Fakulti Pengurusan dan Perniagaan, UiTM Cawangan Selangor

³Lembaga Hasil Dalam Negeri Malaysia, Terengganu

(Correspondent email: nikno561@uitm.edu.my)

Kawasan Rekreasi
Bumbung Raja
terletak di
Kampung Pasir Raja, Hulu
Dungun, Terengganu.
Tempat perkemahan dan
perkhemahan yang
sangat menarik disamping
keindahan dan kejernihan
air sungai yang mampu
memukau pengunjung
yang datang.

Kami sekeluarga berpengalaman berkelah di kawasan rekreasi ini tetapi kami menyewa tapak perkhemahan di kawasan persendirian penduduk di situ berhampiran kawasan rekreasi awam ini.

Sangat sesuai untuk keluarga berkumpul dan bersantai. Kami ke sana bersama tiga keluarga. Pada hari pertama kami sekeluarga bersama keluarga adik dari Jerteh, Terengganu manakala pada hari kedua barulah keluarga ketiga dari Kemaman tiba.

Kami memulakan perjalanan dari Kampung Balai Besar ke Kampung Pasir Raja ini lebih kurang pada pukul 6:00 petang. Tempoh perjalanan asal adalah lebih kurang 1jam 18 minit sahaja namun perjalanan kami mengambil masa hampir 2 jam kerana perlu melalui jalan kampung yang sempit dan keadaan jalan yang tidak di selenggara dengan baik. Tambahan pula semasa dalam perjalanan tersebut, hujan turun dengan lebatnya. Kami tiba di kawasan perkhemahan tersebut lebih kurang pukul 8:00 malam.

Kami disambut oleh tuan tanah yang dikenali dengan nama Pok Lang. Pok Lang



membantu kami memasang khemah dan menyiapkan persediaan keperluan perkhemahan kami. Pok Lang baik orangnya, ramah dan ringan tulang. Pok Lang menyediakan kemudahan tandas, ruang solat dan dapur di rumah pondok berhampiran dengan tempat perkhemahan kami. Kemudahan yang disediakan sangat bersih dan selesa.

Selesai semua urusan memasang khemah, kami menjamu selera dengan makanan yang dibeli semasa dalam perjalanan. Tiada aktiviti yang dapat dilaksanakan pada malam tersebut kerana hujan lebat.

Keesokannya, seawal pukul 7:00 pagi, anak-anak sudah turun ke sungai untuk bermandi-manda. Air sungai yang bersih dan sejuk sangat menenangkan. Sambil anak-anak mandi-manda, kami yang dewasa ini menyediakan sarapan pagi dan tengah hari.

Anak-anak mandi-manda seharian dan hanya naik ke darat untuk makan, solat dan rehat seketika. Kemudian kembali beraksi di dalam sungai dengan aktiviti-aktiviti mereka.

Selepas asar, hujan mula turun tapi anak-anak masih terus mandi-manda di sungai. Pada awalnya kami bimbang jika berlaku "kepala air" tetapi Pok Lang yang sekali sekala datang ke pondok beliau memaklumkan yang kejadian "kepala air" tidak berlaku di sungai ini kerana sungai tersebut adalah sungai utama. "Kepala air" biasanya berlaku di anak-anak sungai. Meskipun begitu, kami tetap memantau anak-anak yang sedang mandi-manda demi keselamatan mereka.

Hujan turun sepanjang malam tetapi ia tidak membataskan kami untuk berbeku malam itu. Pengalaman yang menyeronokkan dan

berharga untuk anak-anak. Malam itu kami diselimuti oleh bayu sungai dan malam yang sejuk.

Kami berangkat pulang ke kediaman masing-masing setelah selesai makan tengah hari pada hari ketiga. Kepulangan kami diiringi hujan yang lebat juga. Meskipun begitu, kami tetap gembira dan bersyukur kerana Allah masih memberi peluang kepada kami menikmati keindahan flora dan fauna ciptaan-Nya yang tidak dapat kami terjemahkan dengan kata-kata. Hanya gambar yang mampu berbicara. Nikmatilah koleksi gambar perkhemahan kami.

Jemputlah ke Kawasan Rekreasi Bumbung Raja bersama keluarga.







BizNewz 2022
Faculty of Business and Management
Universiti Teknologi MARA Cawangan Terengganu, Kampus Dungun
Sura Hujung, 23000 Dungun, Terengganu, MALAYSIA
Tel: +609-8400400
Fax: +609-8403777
Email: biznewzuitm@gmail.com